

Headlines

- 1 प्रधानमंत्री नरेंद्र मोदी होंरें नमीं दिल्ली च चिल्ली दे राष्ट्रपति हुंदे कन्नै मीटिंग लाई। आपदा प्रबंधन ते सांस्कृतिक आदान-प्रदान जनेह मुख केंद्र बिंदुएं पर तगड़ेआई कन्नै आपसी सहयोग दी कीती बत्त पदरी।
- 2 मुखमंत्री उमर अब्दुल्ला होंरें जम्मू-कश्मीर बस सेवा दा झंडी दस्सियै शुभारम्भ कीता।
- 3 लेफ्टिनेंट गवर्नर मनोज सिन्हा होंरें श्री माता वैष्णो देवी दे दरबार मत्था टेकेआ। अस्थापन बोर्ड नै श्रद्धालुएं दी सौख लेई स्मार्ट लॉकरें दी बवस्था शुरू कीती।
- 4 उपमुखमंत्री होंरें आखेआ जे आतंकवाद ते अत्तवाद नै जम्मू-कश्मीर गी बड़ा मता नुकसान पजाया। कल रातीं आतंकवादिएं कन्नै कठुआ च होई दी गोलीबारी मगरा व्यापक तपाशी मुहिम जारी।
- 5 लेफ्टिनेंट जनरल पी.के मिश्रा होंरें व्हाईट नाइट कोर दे नमें कोर कमांडर दे तौर पर अपना पद्रभार साम्भेआ।



PM-Chile Talks

भारत ते चिल्ली नै अज्ज आपदा प्रबंधन ते सांस्कृतिक आदान-प्रदान च सहयोग लेई समझौतें पर दस्तखत कीते। दौनें पक्खें अंटार्कटिक सहयोग पर आयश पत्र दा बी लैन-देन कीता। प्रधानमंत्री नरेंद्र मोदी होंरें अज्ज नमीं दिल्ली च चिल्ली दे राष्ट्रपति ग्रेबियल बोरिक फॉन्ट हुंदे कन्नै भारत चिल्ली सरबंधें दे सब्भनें पहलुएं पर गल्लकत्थ कीती। विशेष करियै दक्खिया सरबंधें गी तगड़ा करने लेई नमिं पैहलकदमिं पर गल्ल होई जेदे च इक सक्षम व्यापक आर्थिक भ्याली समझौता बी शामिल हा। दौनें लीडरें महत्वै आहले खनिजें दे खेत्तर, खाद्य सुरक्षा, डिजिटल ढांचे दे विकास, अक्षय उर्जा ते आयुर्वेद दे खेत्तरें च आपसी सहयोग गी केंद्र च रक्खियै गल्लबात कीती।

राष्ट्रपति बोरिक होरें अंटार्कटिक जाने गित्तै चिल्ली गी इक महत्वै आहला द्वार दस्सेआ ते प्रधानमंत्री नरेंद्र मोदी होरें गी चिल्ली दे दौरे लेई साहा दित्ता। उनें दस्सेआ जे दौनें धडें अंटार्कटिक च रलिये शोध करने दे मुख खेत्तरें बारै इक सहयोग समझौते पर बी दस्तखत कीते।

<><><><><><>

CM-Bus Services

महिला सशक्तिकरण आहली भेठा इक गैऽ तैहत मुखमंत्री उमर अब्दुल्ला होरें श्रीनगर दे शेर-ए-कश्मीर अंतरराष्ट्रीय कन्वेंशन सेंटर च महिलाएं लेई मुफ्त बस सेवा दी शुरूआत कीती। इस गल्ला दी घोषणा बजट च कीती गई ही। एहू गैऽ ऐ महिलाएं गी सुरक्षित ते पुज्ज आहली यातायात सेवा उपलब्ध करोआना। इस गैऽ कन्नै कम्मकाजी महिलाएं, विद्यार्थिं ते होरनें दुई महिलाएं गी लाहू हासिल होग। एहू मुफ्त सेवा सरकारी बसें ते स्मार्ट सिटी बसें च उपलब्ध ऐ।

<><><><><><>

LG-SMVD

उपराज्यपाल मनोज सिन्हा होरें श्री माता वैष्णो देवी श्राइन च अज्ज मत्था टेकेआ ते केंद्र शासित प्रदेश दे लोकें दी शांति, खुशहाली ते भलाई-बेहतरी दी कामना कीती। चैत्र नरातें दे शुरू थवां लेइए अजे तगर इक्क लक्ख थवां बहू श्रद्धालु पवित्र गुफा च मत्था टेकी चुके देन। श्रद्धालुं दे भारी रश गी दिखदे होई सुरक्षा दे पुख्ता बंदोबस्त कीते गेदे न, जेदे च सी.सी.टी.वी कैमरे, ड्रोन वगैरा शामिल ऐ, तां जे श्रद्धालुं दी सुरक्षा यकीनी बनी सकै।

<><><><><><>

SMVD-Lockers

तोआई, जात्तरा दे तजुर्वे गी होर बेहतर करने लेई श्री माता वैष्णो देवी अस्थापन बोर्ड नै भवन च स्मार्ट लॉकर सेवा शुरू कीती ऐ। डिजिटल तरीके कन्नै चलने आहले एहू लॉकर पूरी चाल्ली सुरक्षित न ते श्रद्धालुं दा समेयान सुरक्षित ढंग्गै सिर रक्खेआ जाई सकदा ऐ। श्री माता वैष्णो देवी अस्थापन बोर्ड दे मुख कार्जकारी अधिकारी अंशुल गर्ग होरें दस्सेआ जे एहू पहलकदमी श्रद्धालुं दी सौख आस्तै दितती जा'रदी नेही सहूलत ऐ जेदे कन्नै श्रद्धालु अपने समेयान दी फिक्र छोड़ियै पूरा ध्यान अपनी आध्यत्मिक जात्तरा बल लाई सकदे न।

LG-Odisha

उपराज्यपाल मनोज सिन्हा होरें राजभवन जम्मू च आयोजित ओडिशा दिवस सरबंधी कार्यक्रम उत्कल दिवस च हिस्सा लैता। उनें ओडिशा दी समृद्ध संस्कृति, कला साहित्य, वास्तुकला ते रिवायतें गी उजागर कीता। उनें राज्य दे भारतीय लोक संस्कृति, खान-पान, उत्सव ते नृत्य च योगदान दी बी सिफत कीती।



Kathua-Searches

कठुआ जिले च आतंकवादिएं गी फगड़ने लेई व्यापक तपाशी अभियान जारी ऐ। कल रातीं सुरक्षाबलें ते आतंकवादिएं बश्कार गोलीबारी होई ही। एहू गोलीबारी कठुआ जिले दे पंजीतीर्थी इलाके च होई। सुरक्षाबलें संदिग्ध त्रै आतंकवादिएं गी अपने घेरे च लेई लैता, मगरा दौनें बश्कार भारी गोलीबारी होई। पुलस महानिदेशक नलिन प्रभात, आई.जी.पी भीम सेना तूती ते होर दुए वरिष्ठ अधिकारिएं चला'रदे अभियान आहली थाहर दा दौरा लाया। आतंकवादिएं गी फगड़ने लेई हैलीकाप्टरें, ड्रोन, खोजी कुत्ते ते कमांडो गी बी लाया गेआ ऐ। अभियान अजें बी जारी ऐ ते होर ब्यौरे गी बलगेआ जा'रदा ऐ। ताई उपमुखमंत्री सुरेंद्र चौधरी होरें इस बारै बोलदे होई आखेआ जे आतंकवाद ते अत्तवाद गी फैलाने आहलें गी जम्मू-कश्मीर दी शांति गी भंग नेई करन दिता जाग।



White Knight Corps Command

लेफ्टिनेंट जनरल पी.के मिश्रा होरें व्हाईट नाइट कोर दे प्रमुख दे तौर पर कमान संभाली ऐ। ओहू लेफ्टिनेंट जनरल नवीन सचदेवा हुंदी थाहर आए न। सोशल मीडिया दी इक पोस्ट च रक्षा जन संपर्क अधिकारी जम्मू नै दस्सेआ जे जनरल मिश्रा होरें कर्मिएं गी संबोधित कीता ते कम्मै कारवाइएं दौरान उच्च मानकें गी बनाई रक्खने ते खित्ते दी सुरक्षा ते स्थिरता गी बनाई रक्खने लेई बचनबद्ध रौहने लेई गलाया। उनें बलें दी महत्वपूर्ण भूमिका पर बी लोऽ पाई।



LG-GoC Meet

राइजिंग स्टार कोर दे जीओसी लेफ्टिनेंट जनरल Rajan Sharawat होरें उपराज्यपाल मनोज सिन्हा हुंदे कन्नै मलाटी करिए खित्ते दी मौजूदा सुरक्षा स्थिति कन्नै जुडे दे महत्वपूर्ण पैहलुएं पर चर्चा कीती। इस दौरान सुरक्षा सरबन्धी मामलें ते खित्ते च शांति ते स्थिरता बनाई रखने लेई रणनीतिएं गी मजबूत करने पर चर्चा होई। इस मौके टाइगर डिविजन दे जीओसी मेजर जनरल मुकेश भानवाला होर बी मौजूद हे। इस चर्चा दा मुख्क मकसद सुरक्षाबलें ते प्रशासन बश्कार तालमेल गी बदाना ऐ तां जे पैदा होई सकने आहली चुनौतिएं कन्नै कारगर ढंगै सिर निब्बड़ेआ जाई सकै।

<><><><><><>

Forest-Deptt.

जम्मू-कश्मीर च सब्ज सुन्ने गी बधाने आस्तै जंगलात विभाग नै बक्ख-बक्ख रूक्ख -बूहटें दे 2 लक्ख पौधे कल ईद-उल-फितर दे मौके पर आम लोकें गी मुफ्त बंडे। जंगलात विभाग नै एह पौधे कल ईद दी नमाज मगरा ईदगाहें ते मसीतें कोला बंडे तां जे समुदाय इस प्रक्रिया च बद्द शा शमूलियत करै। जंगलात मंत्री जावेद अहमद राणा होरें रूक्ख-बूहटे लाने दी महत्ता ते चपासम गी बचाइयै रखने बारै लोकें गी जागरूक करने लेई विभाग दे अधिकारिएं दे जत्तें दी सराहना कीती।

<><><><><><>

Volleyball

शहीद पोलीस सब इंस्पेक्टर दीपक शर्मा होरें गी श्रद्धांजलि देने दे मकसद कन्नै जिला पोलीस लाइन्ज उधमपुर च अज्ज इक त्रै रोजा वॉलीबाल टूर्नामेंट दा उद्घाटन कीता गेआ। इस आयोजन दा उद्घाटन सिविक एक्शन कार्जक्रम 2024-25 तैहत उधमपुर-रियासी रेंज दे डी.आई.जी, रईस मोहम्मद भट्ट होरें कीता। इस दौरान एसएसपी उधमपुर अमोद अशोक नागपुरे बी मौजूद हे। उधमपुर जिले दियां 8 टीमां इस टूर्नामेंट च हिस्सा लैगन। उद्घाटनी मैच उधमपुर वालीबॉल क्लब नै जित्तेआ।

<><><><><><>